



2020 йил "25" апрел

№ 936

Богот шаҳарчаси

Хоразм вилояти ҳокимининг 2020 йил 20 апрелдаги "Ўзбекистон Республикаси Президентининг 2020 йил 15 апрелдаги "Коронавирус пандемияси даврида Ўзбекистон Республикаси Давлат бюджети барқарорлигини таъминлаш ва биринчи навбатдаги тадбирларни ўз вақтида молиялаштириш чора-тадбирлари тўғрисида"ги ПҚ-4679-сонли қарори ҳақида"ги 155к-сонли қарорининг ижроси ҳақида

Ўзбекистон Республикаси Президентининг 2020 йил 15 апрелдаги ПҚ-4679-сонли ҳамда бу юзадан вилоят ҳокимининг 2020 йил 20 апрелдаги 155к-сонли қарорларининг ижроси юзасидан туман бюджетининг барқарорлигини таъминлаш, коронавирус инфекцияси тарқалишининг олдини олиш бўйича муҳим тадбирларни, иш ҳақи ва унга тенглаштирилган тўловлар, пенсия ва нафақалар ҳамда устувор давлат дастурларини ўз вақтида ва тўлиқ молиялаштириш мақсадида

ҚАРОР ҚИЛАМАН:

1. "Ўзбекистон Республикаси Президентининг 2020 йил 15 апрелдаги "Коронавирус пандемияси даврида Ўзбекистон Республикаси Давлат бюджети барқарорлигини таъминлаш ва биринчи навбатдаги тадбирларни ўз вақтида молиялаштириш чора-тадбирлари тўғрисида"ги ПҚ-4679-сонли ва бу юзадан вилоят ҳокимининг 2020 йил 20 апрелдаги 155к-сонли қарорлари раҳбарлик ва ижро учун қабул қилинсин.

2. Вилоят ҳокимининг мазкур қарори билан:

Вилоят ҳокимининг молия-иктисодиёт ва камбағалликни қисқартириш масалалари бўйича биринчи ўринбосари - вилоят иктисодий тараққиёт ва камбағалликни қисқартириш бош бошқармаси бошлиғи (К.Игамбергенов), вилоят молия бош бошқармаси (М.Искандаров), шаҳарлар ва туманлар ҳокимликлари билан биргаликда тегишли даражадаги бюджет тушумларини, шунингдек, республика бюджетидан ажратилаётган трансфертларни, акциз солиғи бўйича ўтказмаларни, бюджет ссудаларини ҳамда бошқа маблағларни биринчи навбатда қуйидагиларни:

коронавирус инфекциясининг тарқалишига қарши курашиш бўйича тадбирларга, жумладан, дори воситалари ва тиббиёт буюмлари сотиб олиш, тиббиёт муассасаларини куриш, реконструкция қилиш, таъмирлаш ва уларни жиҳозлашга;

иш ҳақи, пенсиялар, стипендия ва нафақаларни ўз вақтида тўлашга;

озик-овқат маҳсулотларини сотиб олиш, коммунал тўловлар ва бошқа кечиктириб бўлмайдиган харажатларни қоплашга; инқирозга қарши курашиш вилоят комиссиясининг қарорига асосан бошқа тадбирлар ва харажатларга молиялаштиришга йўналтириши;

Вилоят молия бош бошқармаси (М.Искандаров) кечиктириб бўлмайдиган харажатларни ўз вақтида ва тўлиқ молиялаштириш учун шаҳарлар ва туманлар маҳаллий бюджетларига бюджет ссудаларини мунтазам равишда ажратиб бориш вазифаси юкланганлиги молиялаштиришга йўналтириши маълумот ва ижро учун қабул қилинсин.

3. Туман ҳокимининг молия-иқтисодиёт ва камбағалликни қисқартириш масалалари бўйича биринчи ўринбосари - туман иқтисодий тараққиёт ва камбағалликни қисқартириш бўлими бошлиғи (С.Қурбонов), туман молия бўлими (Ж.Рўзметов) билан биргаликда уч кун муддатда барча даражадаги маҳаллий бюджетларининг харажатларини мақбуллаштиришни;

2020 йил II чораги учун режалаштирилган айрим харажатларни 2020 йилнинг иккинчи ярим йиллигига ўтказиш орқали карантин даврида барча даражадаги бюджетларнинг барқарорлигини таъминласин.

4. Мазкур қарорнинг ижросини назорат қилиш туман ҳокимининг молия-иқтисодиёт ва камбағалликни қисқартириш масалалари бўйича биринчи ўринбосари-туман иқтисодий тараққиёт ва камбағалликни қисқартириш бўлими бошлиғи С.Қурбонов зиммасига юклансин.

Боғот тумани ҳокими



О.Холбоев